



Fedje kommune

Møtebok for Formannskapet

Møtedato: 10.04.2018
Møtestad: Skarvøyna/Slissøyna - det sosiale rommet
Møtetid: 17:15 – 20:00

Møtedeltakarar	Parti
Stian Herøy	H
Tonje Sulen Gullaksen	H
Roy-Asle Tungland	Krf
Møtedeltakarar vara	Parti
Stian Storemark	Ap
Ottar Tangen	Frp
Forfall meldt frå følgjande medlemmar:	Parti
Kristin Handeland	Ap
Bjørn Solbakk	Frp

Følgjande møtte frå administrasjonen:
Ingebjørg Vamråk, Signe Råheim, Øyvind Tolleshaug

Sakliste

Saknr	Tittel
012/18	Godkjenning av møteinnkalling og sakliste
013/18	Godkjenning av møtebok
014/18	Referatsaker
015/18	Delegerte saker
016/18	Delegerte saker teknikk og miljø
017/18	Delegerte saker personal
018/18	Bygging av ventilasjonsanlegg for den gamle delen av sjukeheimen.
019/18	Endring i selskapsavtalen til Interkommunalt Arkiv i Hordaland IKS
020/18	Søndagsope butikk
021/18	Delegering av mynde etter hamne- og farvasslova § 10
022/18	Framlegg om oppgradering av badestranda og området rundt

Sakspapir

Saksbehandler	Arkiv	ArkivsakID
Signe Råheim	FE - 033	18/149

Saksnr	Utvalg	Type	Dato
012/18	Formannskapet	PS	10.04.2018

Godkjenning av møteinnkalling og sakliste

Saksutgreiing:

Forslag til vedtak:

Møteinnkalling og sakliste vert godkjent.

Formannskapet - 012/18

F - behandling:

F - vedtak:

Møteinnkalling og sakliste vert godkjent. Samrøystes vedteke.

Sakspapir

Saksbehandler	Arkiv	ArkivsakID
Øyvind Tolleshaug	FE - 033	18/149

Saksnr	Utvalg	Type	Dato
013/18	Formannskapet	PS	10.04.2018

Godkjenning av møtebok

Vedlegg:

Protokoll - Formannskapet - 06.02.2018

Saksutgreiing:

Forslag til vedtak:

Møtebok frå sist møte vert godkjent.

Formannskapet - 013/18

F - behandling:

F - vedtak:

Møtebok frå sist møte vert godkjent. Samrøystes vedteke.

Sakspapir

Saksbehandler	Arkiv	ArkivsakID
Signe Råheim	FE - 033	18/149

Saksnr	Utvalg	Type	Dato
014/18	Formannskapet	PS	10.04.2018

Referatsaker

Underliggende saker:

Saksnummer	Tittel
------------	--------

014/18.1	Fråsegn vedr avgjerd om nedlegging av Bergen fengsel avdeling Osterøy
----------	---

Saksnummer	Tittel
------------	--------

014/18.2	Implementering av dataverktøyet BrukerPlan
----------	--

Saksnummer	Tittel
------------	--------

014/18.3	Løyve - Forlenging av turveg - Søknad om dispensasjon frå verneforskriften til Fedjemyrane landskapsvernområde.
----------	---

Saksnummer	Tittel
------------	--------

014/18.4	Ny godkjenning av stedfortreder til skjenkeløyve
----------	--

Saksnummer	Tittel
------------	--------

014/18.5	Region Nordhordland - prioritering av skjønsmidlar 2018
----------	---

Saksnummer	Tittel
014/18.6	Vassprøver i 2017. Oversyn.

Saksnummer	Tittel
014/18.7	Protokoll Regionråd 2-2018, fredag 16. februar 2018

Saksnummer	Tittel
014/18.8	Rådmannen orienterer formannskapet 10.4.2018

Saksutgreiing:

Forslag til vedtak:

Referatsaker vert tekne til orientering.

Formannskapet - 014/18

F - behandling:

Ved handsaminga av det første orienteringspunktet på rådmannen si liste vart møte lukka etter kommunelova §31-3.

F - vedtak:

Referatsaker vert tekne til orientering. Samrøystes vedteke.

Sakspapir

Saksbehandler	Arkiv	ArkivsakID
Signe Råheim	FE - 033	18/149

Saksnr	Utvalg	Type	Dato
015/18	Formannskapet	PS	10.04.2018

Delegerte saker

Underliggende saker:

Saksnummer	Tittel
------------	--------

003/18	Svar på søknad om pendlartilskot
--------	----------------------------------

Saksnummer	Tittel
------------	--------

004/18	Svar på søknad om pendlartilskot
--------	----------------------------------

Saksnummer	Tittel
------------	--------

006/18	Svar på søknad om serveringsløyve
--------	-----------------------------------

Saksnummer	Tittel
------------	--------

005/18	Svar på søknad om forlenging av permisjon
--------	---

Saksutgreiing:

Forslag til vedtak:

Delegerte saker vert tekne til orientering.

Formannskapet - 015/18

F - behandling:

F - vedtak:

Delegerte saker vert tekne til orientering. Samrøystes vedteke.

Sakspapir

Saksbehandler	Arkiv	ArkivsakID
Signe Råheim	FE - 033	18/149

Saksnr	Utvalg	Type	Dato
016/18	Formannskapet	PS	10.04.2018

Delegerte saker teknikk og miljø

Underliggende saker:

Saksnummer	Tittel
------------	--------

007/18	Løyve etter plan- og bygningslova til å bygga kai.
--------	--

Saksnummer	Tittel
------------	--------

009/18	Løyve til å bygga einebustad. Mulevegen 170.
--------	--

Saksnummer	Tittel
------------	--------

008/18	Utsleppsløyve for einebustad på gnr. 169, bnr.79.
--------	---

Saksutgreiing:

Forslag til vedtak:

Delegerte saker vert tekne til orientering.

Formannskapet - 016/18

F - behandling:

F - vedtak:

Delegerte saker vert tekne til orientering. Samrøystes vedteke.

Sakspapir

Saksbehandler	Arkiv	ArkivsakID
Signe Råheim	FE - 033	18/149

Saksnr	Utvalg	Type	Dato
017/18	Formannskapet	PS	10.04.2018

Delegerte saker personal

Underliggende saker:

Saksnummer	Tittel
004/18	Kjøkkenassistent

Saksnummer	Tittel
007/18	Svar på søknad

Saksnummer	Tittel
014/18	Svar på søknad om einskildhøve skjenkeløyve

Saksnummer	Tittel
011/18	Svar på søknad om ledig stilling styrar

Saksnummer	Tittel
015/18	Svar på søknad om permisjon

Saksnummer	Tittel
003/18	Svar på søknad om permisjon.

Saksnummer	Tittel
010/18	Svar på søknad på ledig stilling barnehagelærer / ped. leiar

Saksnummer	Tittel
012/18	Svar på søknad på ledig stilling voksenopplæringa

Saksnummer	Tittel
008/18	Svar på søknad på ledige undervisningsstillinger

Saksnummer	Tittel
015/17	Tilsetjing av pleie og omsorgsleiar

Saksnummer	Tittel
013/18	Svar på søknad om permisjon

Saksutgreiing:

Forslag til vedtak:

Delegerte saker vert tekne til orientering.

Formannskapet - 017/18

F - behandling:

F - vedtak:

Delegerte saker vert tekne til orientering. Samrøystes vedteke.

Sakspapir

Saksbehandler	Arkiv	ArkivsakID
Øyvind Tolleshaug	FE - 614	18/105

Saksnr	Utvalg	Type	Dato
018/18	Formannskapet	PS	10.04.2018

Bygging av ventilasjonsanlegg for den gamle delen av sjukeheimen.

Saksutgreiing:

Konklusjon : Bygging av ventilasjonsanlegg for den gamle delen av sjukeheimen vert sett i gang.

I budsjettet for 2018 har kommunestyret sett av 4 mill kr + mva til ventilasjonsanlegg i den gamle delen av sjukeheimen.

Følgjande merknad vart vedteken :

Fedje Høyre v/Tonje Gullaksen foreslår å finne ut som man kan få tilskudd til ventilasjon på sjukeheimen dersom man samstundes utvider romma. Samrøystes vedteke.

Kjøken og stove på sjukeheimen har tilfredstillande ventilasjonsanlegg med tilluft og fraluft. Dette anlegget vart bygd i 2007 i samband med fornying av kjøkenet. Tilbygget frå 1995 har og eit godt ventilasjonsanlegg. Her vart sjølve ventilasjonsaggregatet fornya i 2016. Den gamle delen har berre eit avtrekksanlegg frå 1974. Dette fungerer dårleg. Luftkvaliteten er dårleg. Dette gjeld særleg om morgonen før dei tilsette har fått lufta pasientromma via vindauga.

Husbanken har ei ordning det ein kan få tilskot til ombygging og utbetring av gamle bygningar. Husbanken gjev tilskot til prosjekt, ikkje spesifikt til ventilasjon eller utviding av rom. Maksimum tilskot er 55%. I 2015 søkte kommunen om å få tilskot til ombygging av to dobbeltrom til 2 enkeltrom med bad. Vi fekk avslag. Grunngeving : romma er for små.

Om vi søker om tilskot til ventilasjonsanlegg, vil vi få avslag med same grunngeving. Romma har eit areal på 20 m². Husbanken vil ha 28 m². Skal vi få tilskot, må vi gjera romma større.

Eg ser to løysingar for å få større rom. 1) Redusere tal på rom frå 8 til 5 innafor eksisterande areal. 2) Utvida sjukeheimen langs fasade mot fylkesvegen, dvs. alle rom får større lengde målt frå korridor til yttervegg.

Å redusera tal på rom ser eg på som lite aktuelt. Å utvida bygget mot fylkesvegen vil vera eit prosjekt der kostnadene er i ei anna storleik enn det som er tilfelle for nytt ventilasjonsanlegg. Slik ventilasjonsanlegget er planlagt, er det ikkje til hinder for at ei slik utviding kan gjerast seinare.

Sist haust hyra eg konsulentfirmaet Artec for å hjelpa til med planlegga nytt ventilasjonsanlegg for den gamle delen av sjukeheimen og for å laga eit meir nøyaktig kostnadsoverslag.

Artec er kome fram til eit kostnadsoverslag på 2,5 mill kr + mva. Årsaka til at anlegget vert rimelegare enn eg hadde spådd i budsjettet, er at vi kan nytta kanalane til eksisterande avtrekksanlegg. Berre nye kanalar til tilluft vert bygd. Dette reduserer tømrararbeida som eit heilt nytt anlegg ville ført med seg.

Mindre tømrararbeid, fører og til mindre ulempe for pasiantane i byggeperioden. Arbeida vil i hovudsak føregå i korridoren.

Forslag til vedtak:

Bygging av ventilasjonsanlegg for den gamle delen av sjukeheimen vert sett i gang.

Formannskapet - 018/18

F - behandling:

Formannskapet vil ha ei vurdering på kor mykje det kostar å utvide romma på sjukeheimen. Er det mogleg å gjer det med dei midlane som er avsett i økonomiplanen?

F - vedtak:

Formannskapet vil sende saka tilbake til administrasjonen for at den skal verte betre opplyst. Samrøystes vedteke.

Sakspapir

Saksbehandler	Arkiv	ArkivsakID
Jan Torry Sande	FA - C66	16/542

Saksnr	Utvalg	Type	Dato
019/18	Formannskapet	PS	10.04.2018
	Kommunestyret	PS	

Endring i selskapsavtalen til Interkommunalt Arkiv i Hordaland IKS

Saksutgreiing:

Bakgrunn

Interkommunalt arkiv i Hordaland IKS, vart organisert som IKS i 2002. I 2015 hadde selskapet 32 eigarar. Eigarkommunane heftar for ein eigarandel etter ein fordelingsnøkkelvekte på representantskapsmøte i 2002 samt gjort gjeldande frå 01.01.2003. eigardelen til den enkelte kommune, er beskrive i selskapsavtalen sin §5, Tilskotsplikt og eigarandel.

I følgje selskapsavtalen § 5, skal eigardelane justerast kvart fjerde år som eit resultat av endringar i folketal, betalt innskot, samt ved inn- og utmelding slik at det er samsvar mellom kommunestorleik og eigarandel i selskapet. Det har i tida fram til 31.12.2014. ikkje vore endringar i folketal, betalt innskot eller utmelding frå selskapet, som kravde at eigardelane og selskapsavtalen laut endrast. Etter 31.12.2014 fekk tre eigarkommunar endra sin eigardel som følgje av endringar i folketal. Desse er Fitjar, Radøy og Sveio.

Etter 2015 er det difor ikkje samsvar mellom foketal og eigardel i IKAH. Med dette som utgangspunkt, samt tilbakemelding frå ein eigarkommune om å utarbeide ein ny fordelingsnøkkel som betre speglar kommunestorleiken, fremjar Representantskapen i Interkommunalt arkiv i Hordaland IKS framlegg om følgjande:

Representantskapen vedtek justeringa i eigardelane og gjer dei gjeldande frå 01.01.2017 med atterhald om godkjenning i kommunestyra. Representantskapen gjev styret i oppdrag å førebu saksframlegg til dei enkelte kommunestyra.

Askøy kommune	4,49	Jondal kommune	1,92	Samnanger kommune	1,92
Austevoll kommune	2,78	Kvam kommune	3,63	Stord kommune	4,49
Austrheim kommune	1,92	Kvinnherad kommune	4,49	Sund kommune	3,63
Bømlo kommune	4,49	Lindås kommune	4,49	Sveio kommune	3,63
Eidfjord kommune	1,92	Masfjorden kommune	1,92	Tysnes kommune	1,92
Etne kommune	2,78	Meland kommune	3,63	Ullensvang herad	2,78
Fedje kommune	1,92	Modalen kommune	1,92	Ulvik herad	1,92
Fitjar kommune	2,78	Odda kommune	3,63	Vaksdal kommune	2,78
Fjell kommune	4,49	Os kommune	4,49	Voss kommune	4,49
Fusa kommune	2,78	Osterøy kommune	3,63	Øygarden kommune	2,78
Granvin herad	1,92	Radøy kommune	3,63	Sum:	100 %

2. Representantskapen vedtek at det skal fremjast sak til ordinært representantskapsmøte i 2017 om ny fordelingsnøkkel og eigardel som betre gjenspeglar kommunestorleik.

Vedtaket var einstemmig.

Vurdering

Ifølgje lov om interkommunale selskap § 4 skal endringar i selskapsavtalen, mellom anna endringar i eigardelane, godkjennast i alle eigarane sine kommunestyre.

Ein endra selskapsavtale for IKA Hordaland, er ikkje gyldig før alle eigarar sitt øvste politiske organ gjer eit likelydande positivt vedtak og Brønnøysundregistrene har skrevet firmaattest.

Skulle eit av kommunestyra ikkje godkjenne ny selskapsavtale gjeldande frå 01.01.2017, vil den gamle selskapsavtalen framleis gjelde, men ein vil då ikkje lenger ha samsvar mellom eigarandel og folketal i kommunen.

Folkehelse: Ikkje relevant.

Miljø: Vedtaket i saka får ingen konsekvensar for miljøet

Økonomi: For eigarane har endringa av selskapsavtalen ingen direkte økonomisk konsekvens, utover det som ein ytte i tilskot pr. 01.01.2016, samt det som er vedteke av Representantskapen for 2017. Det vert i budsjettet for 2017 lagt opp til 5% auke i eigartilskot, depotavgift og avgift for e-depot. Depotavgifta for papir går difor opp frå kr. 495,- pr hyllemeter til kr. 520.

Vi gjer merksam på at Representantskapen har gjort vedtak om at det skal fremjast sak om ny fordelingsnøkkel og eigardel, som betre speglar kommunestorleik. Saka skal leggjast fram til ordinært representantskapsmøte på Solstrand 25.april 2017.

Konklusjon

Fedje kommune har stor nytte av eit godt Interkommunalt arkiv. Kompetansen i IKAH er til uvurderleg hjelp for kommunen sine arkivtilsette. Depotdrifta held eit nivå Fedje kommune aldri hadde klart på eiga hand.

Som skrive over får ein ny selskapsavtale små økonomiske konsekvensar for Fedje kommune. Endringa i avtalen er gjort for at fordelingsnøkkelbetre skal spegle

kommunestorleiken.

Forslag til vedtak:

Kommunestyret i Fedje godkjenner Selskapsavtalen for IKA Hordaland IKS, gjeldande frå 01.01.2017.

Formannskapet - 019/18

F - behandling:

F - vedtak:

Kommunestyret i Fedje godkjenner Selskapsavtalen for IKA Hordaland IKS, gjeldande frå 01.01.2017. Samrøystes vedteke.

Sakspapir

Saksbehandler	Arkiv	ArkivsakID
Charlotte Lilleheil		18/66

Saksnr	Utvalg	Type	Dato
020/18	Formannskapet	PS	10.04.2018
	Kommunestyret	PS	

Søndagsope butikk

Vedlegg:

Søknad frå Matkroken

Lov om helligdager og helligdagsfred (utdrag)

Saksutgreiing:

Bakgrunn

Matkroken Fedje (MF) søker i brev av 21.februar 2018 om høve til å ha heilagedagsope i perioden 15. juni til 15. september som følgje av den store tilstrauminga til området i helgane i turistsesongen.

For at MF skal kunne ha heilagedagsope er det naudsynt at Fylkesmannen ved forskrift godkjenner at MF ligg i eit område som definerast som typisk turiststed, jf. lov om helligdagar og heilagdagsfred.

Vurdering

MF påpeiker i sin søknad at dei er avhengig av turistane for å oppretthalde eit levande og godt næringsgrunnlag for butikken, fordi ein god sommaromsetjing er naudsynt for deira høve til å dekke underskot haust og vinter. Dei leggjer også ved ein graf over omsetningstal 2017 som eit prov på auka omsetjing i sommarsesongen. I tråd med dette vil ein ekstra ope dag i helgja vera svært gunstig for MF si omsetning og moglegheit til å overleve resten av året. MF er einaste matvarebutikk i kommunen og einaste alternativ for båtfolk, campingturistar m.fl. Det er langt til alternative steder for handel i helgane, næraste er Knarvik (30 minutt med ferje og 50 minutt med bil etter det unna).

Dei trekkjer fram at dei det siste året har opplevd ein tydeleg auke i antall turistar på Fedje, spesielt i helgane. Dette er sannsynlegvis ein auke som vil fortsette å stige. Frå 2. juni vil det komme dagleg direktebåt frå Bergen. I tillegg vil båt frå Øygarden verta utvida med ein dag, frå to til tre dagar. Med dei nye båttilboda og med signalar frå reiselivsnæringa i Bergen, tydar alt på at det i år vil kome enda meir turistar enn i fjor.

Sentrumsområdet på Fedje eit viktig knutepunkt for turistnæringa på Fedje. Det er her båtene legg til kai og vi finn dei fleste tilbod som turistane nyttar seg av. Ein sundagsope butikk i området vil vere eit viktig bidrag for å videreutvikle området som turiststed og boområde.

Forslag til vedtak:

Fedje kommune søker om at Fylkesmannen ved forskrift fastset at sentrumsområdet på Fedje, som avgrensa i kartvedlegg til saka, vert godkjent som typisk turiststed i perioden 15. juni til 15. september.

Formannskapet - 020/18

F - behandling:

F - vedtak:

Fedje kommune søker om at Fylkesmannen ved forskrift fastset at sentrumsområdet på Fedje, som avgrensa i kartvedlegg til saka, vert godkjent som typisk turiststed i perioden 15. juni til 15. september. Vedteke med 4 røystar mot Krf si røyst.

Sakspapir

Saksbehandler		Arkiv	ArkivsakID	
Ingebjørg Vamråk			18/174	
Saksnr	Utvalg	Type		Dato
021/18	Formannskapet	PS		10.04.2018
	Kommunestyret	PS		

Delegering av mynde etter hamne- og farvasslova § 10

Vedlegg:

Framtidig selskapsstruktur BOH AS. Etablering av IKS (L)(32819)

#8735992v1 - Selskapsavtale for Bergen og Omland Havn IKS

#8993051v1 - Stiftelsesdokument for Bergen og Omland Havn IKS

Bergen og Omland Havnevesen BOH - etablering av et nytt interkommunalt selskap IKS for den lovpålagte delen av havnevirksomheten i Bergensregionen_D1_H

BOH - brev fra Samferdselsdepartementet 20.12.2016 med følgebrav fra WR

BOH - brev til Samferdselsdepartementet fra WR 23.11.2016

BOH - status på sak om Bergen og Omland Havn IKS - november 2017

Saksutgreiing:

Bakgrunn

Denne saka var til handsaming i Fedje kommune, i K-sak 016/17 den 25. april (sjå vedlegg). Spørsmålet var om Fedje kommune skulle delegerer mynde etter havne- og farvannsloven § 10.

Oppsummert, frå saksutgreiinga: «Fedje kommune er deleigar i Bergen og Omland Hamnevesen (BOH) AS, men det viser seg at det ikkje er råd å delegerer den aktuelle mynde til eit AS. Bergen og omland Hamn AS ønskjer difor å delegerer mynde etter hamne- og farvasslova § 10 til eit IKS. Spørsmålet er om Fedje kommune har motførestillingar mot dette. Tilrådinga i saka er at Fedje kommune ikkje vert med i eit nytt IKS.»

Vurderinga var som følgjer:

«Det er Kystdirektoratet/Kystverket som i praksis har hovedansvar for hamne- og farvannslova. Etter hamne- og farvannslova har kommunen mynde for dei områda som Kystdirektoratet har delegert til kommunane. Det er dette myndet Fedje kommune til no har delegert til Bergen og omland havnevesen.

Dei sakene som skal handsamast etter hamne- og farvannslova er i praksis flytebrygger, kaier og oppdrettsanlegg. Når det gjeld flytebrygger og kaier, er det ein del saker der mynde ikkje er delegert til kommunane. Dette gjeld tiltak i dei områda der Kystverket (tidlegare Statens havnevesen) har brukt pengar. Tiltak i desse områda skal handsamast av Kystverket.

Fedje kommune skal uansett handsama søknad om løyve til flytebrygger, kaier og oppdrettsanlegg etter plan- og bygningslova. Å delegere mynde etter hamne- og farvasslova i desse sakane til eit organ utanfor kommunen, er difor urasjonelt.

Slik det har fungert til no, har ikkje BOH handsama saker der kommunen har sagt nei i medhald av plan- og bygningslova.

Sett frå ein søkjar sin ståstad, har hovedkonsekvensen av at mynde etter hamne- og farvannslova har vore delegert til BOH, vore gebyr for handsaming av søknaden både til Fedje kommune (4.000,- kr) og BOH (5.000,- kr).

Dersom mynde etter hamne- og farvannslova ikkje vert delegert, vil desse sakane verta handsama på tilsvarande vis som saker som krev løyve både etter jordlova og plan- og bygningslova, det vil sei ei sak med vedtak etter to lover.»

Konklusjonen var at det ikkje er føremålstenleg å delegere mynde etter hamne- og farvasslova, då det fører til dobbel handsaming av søknadene.

Vurdering

I etterkant av vedtaket i Fedje kommune, blei det avvikla fleire møter mellom BOH og eigarkommunane, deriblant Fedje, v/ordførarane. Der har vore drøfta ulike syn kva gjeld etableringa av eit IKS som nemnde mynde skulle overførast til. Etter at ulike innspel hadde vore drøfta, viser det seg at det no berre er Fedje kommune som ikkje har slutta seg til framlegget. Ein har difor vurdert det som føremålstenleg å ta opp spørsmålet på nytt, etter at fleire sider er blitt drøfta og belyste, i møta som ordførarane har hatt i etterkant av vårt vedtak i fjor.

Innvendinga Fedje kommune hadde i april 2017 er uendra, men dei nye sidene som no er komne betre fram, taler for at fordelane ved å vere med i dette IKS'et, overstig ulempene. Det som då er vurdert, er i samsvar med dei vurderingane fleire andre kommunar har gjort, og som synast å vere rimeleg samanfallande:

Etableringa av eit IKS som som kan ivareta Fedje kommune si utøving av mynde etter hamne- og farvasslova, sikrar at intensjonane i dagens hamne- og farvasslov blir følgde, samtidig med at ein på ein god måte, gjennom ein tenestekjøpsavtale, knyter til seg kompetansen og kapasiteten som finst i dagens BOH. Modellen med eit IKS synast òg å vere fleksibel med omsyn til ei framtidig tilpassing til eventuelle endringar i hamne- og farvasslova og IKS-lova. Begge desse lovområda er for tida under revisjon. Dersom det seinare vert opna for at oppgåvene knytt til utøving av mynde i tilknytning til hamne- og farvassforvaltninga kan delegerast til BOH AS, vil det vera relativt ukomplisert å avvikla BOH IKS, og i staden delegera til BOH AS, evt. eit dotterselskap til å ivareta kommunen sine lovpålagde utøving av mynde. Ei etablering av BOH IKS vil ikkje ha økonomiske konsekvensar for Fedje kommune.

Forslag til vedtak:

1. Fedje kommune godkjenner at det vert etablert eit interkommunalt selskap, Bergen og Omland Havn IKS (BOH IKS), for å ivareta kommunen sine lovpålagte myndigheitsoppgåver, jf. hamne- og farvasslova § 10, saman med dei andre kommunane i hamnesamarbeidet i dagens BOH og BOH AS.
2. Ordføraren får fullmakt til å stifte det nye hamneselskapet saman med dei øvrige samarbeids-kommunane. Dette i samsvar med vedlagte stiftingsdokument og selskapsavtale for BOH IKS, samt andre retningslinjer som kjem fram av saka, som fastsetting av endeleg opningsbalanse, gjennomføra kapitalinnskott og halda konstituerande representantskapsmøte med val av styre og revisor. Det vidare arbeidet med gjennomføringa av selskapsetableringa og overføringa av kapital/verdiar, blir ivaretatt av styret og den daglege leiinga i det nye selskapet, jf. tenestekjøpsavtale med BOH AS.
3. I medhald av kommunelova kap. 5 (interkommunalt samarbeid) og hamne- og farvasslova av 17.04.2009 nr. 19 § 10, vert Fedje kommune sitt mynde etter hamne- og farvasslova delegert til BOH IKS. Kommunestyret forutset at delegasjonen av mynde til BOH IKS ikkje innskrenkar Fedje kommune sitt høve til å setja i verk tiltak for å verna innbyggjarane si helse når helsevernstyresmaktene tilrår dette.
4. Frå Fedje kommune blir følgjande valde som medlem og varamedlem til representantskapet i BOH IKS: Medlem: Ordførar. Varamedlem: Varaordførar.

Formannskapet - 021/18

F - behandling:

F - vedtak:

1. Fedje kommune godkjenner at det vert etablert eit interkommunalt selskap, Bergen og Omland Havn IKS (BOH IKS), for å ivareta kommunen sine lovpålagte myndigheitsoppgåver, jf. hamne- og farvasslova § 10, saman med dei andre kommunane i hamnesamarbeidet i dagens BOH og BOH AS.
2. Ordføraren får fullmakt til å stifte det nye hamneselskapet saman med dei øvrige samarbeids-kommunane. Dette i samsvar med vedlagte stiftingsdokument og selskapsavtale for BOH IKS, samt andre retningslinjer som kjem fram av saka, som fastsetting av endeleg opningsbalanse, gjennomføra kapitalinnskott og halda konstituerande representantskapsmøte med val av styre og revisor. Det vidare arbeidet med gjennomføringa av selskapsetableringa og overføringa av kapital/verdiar, blir ivaretatt av styret og den daglege leiinga i det nye selskapet, jf. tenestekjøpsavtale med BOH AS.
3. I medhald av kommunelova kap. 5 (interkommunalt samarbeid) og hamne- og farvasslova av 17.04.2009 nr. 19 § 10, vert Fedje kommune sitt mynde etter hamne- og farvasslova delegert til BOH IKS. Kommunestyret forutset at delegasjonen av mynde til BOH IKS ikkje innskrenkar Fedje kommune sitt høve til å setja i verk tiltak for å verna innbyggjarane si helse

når helsevernstyresmaktene tilrår dette.

4. Frå Fedje kommune blir følgjande valde som medlem og varamedlem til representantskapet i BOH IKS: Medlem: Ordførar. Varamedlem: Varaordførar. Samrøystes vedteke.

Sakspapir

Saksbehandler	Arkiv	ArkivsakID
Ingebjørg Vamråk		18/173

Saksnr	Utvalg	Type	Dato
022/18	Formannskapet	PS	10.04.2018

Framlegg om oppgradering av badestranda og området rundt

Vedlegg:

Prisoverslag oppgradering av badestrand

Saksutgreiing:

Bakgrunn

Det har i lengre tid vore snakka om at badestranda og området rundt denne, bør oppgraderast. I den forbindelse er det innhenta pristilbod frå Samnøy Maskin, på den delen av arbeidet som må gjerast med anleggsmaskiner. Det er ikkje henta inn tilbod frå andre aktørar, då det blei vurdert som uforholdsmessig dyrt å skulle frakte maskiner og utstyr til Fedje for ein så pass liten jobb.

Vurdering

Tilbodet frå Samnøy Maskin framstår som så godt at ein meiner det er klokt å gjere denne jobben no. Tilbodet omfattar drenering, utviding av veg ned til badestranda, steintrapp for å lette tilkomst frå plen til badestrand , samt fylling av sand i fjøra. Total kostnad er kr. 132 000.

Tiltaket vil venteleg auke trivselen både for fastbuande og tilreisande, og slik skape ein betre møteplass for folk. For å auke trivselen ytterlegare, har Fedje Idrettslag, ifølgje avtroppande leiar, tinga ny vasstrampoline som er venta tidleg i mai månad.

Det er ikkje sannsynleg at inngrepet vil påverke miljøet i negativ lei.

Kva gjeld det økonomiske, så blei det i budsjettet for 2018 sett av kr. 300 000 til oppgradering av Nordsjøløypa. Det viser seg at det ein hadde tenkt å gjere for desse midlane, blei rimelegare enn ein hadde rekna med. Det kunne kanskje vere aktuelt å bruke dei innsparte midlane i Nordsjøløypa, til oppgradering av badestranda. Dette vil imidlertid krevje budsjettendring, og må difor til kommunestyret. Vedtaket om å oppgradere badestranda bør fattast så snart råd er, for å sikre at arbeidet kan utførast før badesesongen. Ein føresler difor å finansiere oppgraderinga gjennom bruk av ubundne investeringsfond, for så å ta opp spørsmålet om budsjettposten for Nordsjøløypa på eit seinare tidspunkt.

Konklusjon

Ein bør takke ja til tilbodet frå Samnøy Maskin, og finansiere prosjektet over ubundne investeringsfond.

Forslag til vedtak:

Fedje Kommunestyre vedtek å takke ja til tilbodet frå Samnøy Maskin om oppgradering av badestranda for kr. 132 000, og finansiere dette over ubundne investeringsfond.

Formannskapet - 022/18

F - behandling:

Ap har tidlegare foreslege å lage rekkverk som folk kan støtte seg til. Stian Storemark(Ap) vil ha ei pressisering om at ein ikkje bruker av midlane til turløypa.

Det vert drøfta at oppgraderinga av badestranda burde ha vore ute på anbod.

Stian Storemark (Ap) føreslår at saka vert sendt vidare til kommunestyret.

F - vedtak:

Formannskapet sender saka vidare til kommunestyret. Samrøystes vedteke.